

Aboóboó na búúre kúbońđe

Alú naaáru wɔɔjɔɔná, umudi ge aboóboó. Wíre né, nge wɔɔdɔ umudi aboóboó sɪsɪ: umú ɪzɔɔléɛ ɪɖu yi tumére: ibó ɪkájaa umú búúre kúbońđe bika umú wánnaám ɖuro, káma ɪvéyina namíre.

Nge aboóboó woomúu ɪɖɔndɪnáa sɪ basɪná yi. Aboóboó ɖɔndɪnáa ge ajaá, avo na fanáńdi natíru. Fɔɔ-daá ge namíre kɔwe. Tɔɔ, nge baazúv nyíidi sɪ bakájaa namíre. Baadála buwá-daá né, buwá woozu. Nnaamú ge sɪsɪ: nɣíní ge beím bánlám na betési buwá háli bɔkɔná namíre ɖaána. Ngú nɔɔzɔɔ sɪɣéɛ ge sɪsɪ: bókóná umú namíre ge, buga buwá-déɛ súu tɔm né, tilé tudana umú. A bilé ge bɔɖɔkɔná umú namíre, umú wénléɛ ɪweelée aboó-jó.

Nna ge aboó sɪsɪ: tɔm tuna ge wentí! Namíre ɪgú ɖɔjɔɔ yíni, nge buwá woozu, ɖánbanáa lé! Aayí nge alú-déɛ níba weedési buwá, káma belé ɖɔɖɔ baaláázi aboó na ɪɖɔndɪnáa namíre kajáadi. Belé bɔwe buwá-déɛ kídesúv bika aboó na ɪɖɔndɪnáa bɔgɔwe ná fíu lí bána namíre, nɣíní ge ɖánlám na ɖitesɪná namíre ɖina.

Nge baalá lomaazé sɪsɪ: bénvedí ɖe ge bɔɔ lím-daá bika befedí ɖe ɖefee-ɖefee háli betesɪná ɖe. Nge beevedí búúre né, háli lím-daá cúlum. Namíre waazála luré-daá, nge baazúv lím-daá sɪ befedí ɖe ɖefee-ɖefee háli ɖlíu. Baazúv lím-daá né, nge baajáa namíre bawú. Bánjyáa namíre ɖúm ge sɪsɪ: kegbérɔɔ. Nge baajáa, bacáa háli ɪzá ɪsée badana ɖe.

Nna ge servú woobúúzi lím-daá wángajáadi namíre. Servú waagáná namíre né, nge kubísi kíkágba, bika kidéféeri naáru sɪsɪ: namíre we nína. Nge baaganáa sɪsɪ: wóo, nídakána namíre? Nnaamú ge avo kilé sɪsɪ: noo, noo, noo! Nna ge servú waadɖu yéńdi sɪsɪ:

Kegbérɔɔ kegbérɔɔ

Mááná ge mózúmáa mádanɣmáti?

Nge baaganáa sɪsɪ: Ééé! Tɔm wentí nblé.

Nge baadábaazi cáadi lím-daá, bándakí bánjáadi, bika servú nyi le namíre we né. Nge aboó na ɪɖɔndɪnáa waajáa háli balí buwá-déɛ kídesúv badana nabúru. Nge mudúv sɪsɪ: ɪjáari mídi na cáadi. Nge baabísi basúv lím-daá babáázi cáadi bika bɔjɔɔ tamɔɔ sɪsɪ: beím béndém bana ɖe. Bika lénlé servú waana namíre né, baaganáa tángajaaná fáráńdí kúm. Bika kúm kunyi le namíre we ná né, bika kínlám nyazi kúm ɖɔɖɔ kiwe kíńjáadi. A servú waadála namíre-jó na kíkpa kɪsím ɖuro. A servú waagba kɪsím namíre-rɔɔzɪ, na kutɔ baaganáa sɪsɪ: béyele cáadi bebéɛɣ umú. Bika baaganáa-déɛ laakáari-daá bivéyí sɪsɪ: namíre-rɔɔzɪ ge servú sɪɣéɛ, ngú kídenvééri sɪsɪ: kuna namíre. Aayí, nge baajáa háli betési buwá badaná namíre. Baajáa bawú né, nge bɔɔdɔkpówu kpém-daá. Nnaamú ge servú waadɖu yéńdi:

Kegbérɔɔ kegbérɔɔ

Mááná ge mózúmáa mádanɣmáti?

Nnaamú ge mudíná sí sí: a dè mídáná namíre dím, aboó wéńvetí alú, alú wánbísí idée nba-dée. Tó, zamó kúń kidaá lóna-dúv we nna, nge weewízi lóna sí: kóngólé kóngólé kóngólé. Lóna weewíi né, nge baa weení waalú lím-daá. Bánmatí sí: áaa, dèdée nba dǎáwú yoo..., dǎáwú yoo...; alú-dée nba dǎdǎ sí baawú, nge baa weení waalú lím-daá sí: baa bulá nǎníní namíre waazála lím-daá né, lím weedǎená dǎ.

Tó, léńlé bulú ge bannáa bútangbalíní búúzi-daá né nblé, tífe, dǎo né bó féyí búúzi-daá. Burǎzǎ dǎdǎ ge a sí nna serú bútangbalú-dǎezí ge nyánnáa kí.

Médée múdǎ wǎǎlǎ cé.